

曝書亭全集

冊五

卷之三

三

曝書亭集卷第十六

秀水 朱彝尊 錫鬯

古今詩 十五

玄默澹灘

出都王山人

暈

畫山水送別

王郎五載一相逢寫出雲巒別思重
髯攝山風月夜秋牕同聽六朝松

白草屯

白草屯空似戰場昏鴉點點入斜陽
舟依茅屋三間泊風動棗花四月香
去國不禁頻徙倚得歸寧復倦津梁
叢祠何處喧村社有底紛紛士女忙

入汴過胡司臬

介祉

吳船千里載冬醅避暑長筵日日開
却喜訟庭留牘少時看官馬借

書來

瓜步留贈張同知

柴車一出白頭還過嬾偏宜應接閒猶有故人能好事隔江留看六朝山

寄陸侍御

隴其

主恩先後逐臣還羨爾幽棲泖一灣想得著書風幔底桂花如霰落秋山

洞霄宮題壁

天柱峯高倚晚晴琳宮消歇斷碑橫砂牀竹下搜難得臥聽山禽擣藥聲

江行三首

潮落江平宿富陽船頭新月下微霜曉看烏臼紅千樹樹杪半山鴨脚黃

絕壁苔紋鼠尾皴灘光晝靜白鎔銀分明江上孤篷客黃鶴山樵畫裏人

環溪亭下水流東野碓飛輪到面風返景松巖紅未斂隔江人語漆林中

冬日同鹿明府

祐

錢廣文

瑞徵

游爛柯山二十韻

道書詮洞天青霞居第八流傳負薪翁披榛入垓北中有兩青童某聲暗相戛俄驚斧柯爛逝節等奔鶻此事知有無特書在琳札我來太末墟十月方納桔曉出通仙門緣溪碎石滑拂林風騷騷鳴碓水泚泚明府政不煩廣文俗能拔於焉齊喚渡次第柅車轄飛梁忽在望相視笑且咀靈境茲最奇造物亦太黠疑經百蟲焚或受五丁握連蜷紅霓偃垢膩神鬼刮傾崖穿一綫斷塔盤禿鬣丹楓露已彫瑤草霜未殺剗苔讀遺碑汲井恣拭刷昔賢鬪茶地昧者莫之察日斜洗行廚得食烏嚶嚶徘徊雙松陰惆悵別香刹

鹿鳴山晚眺二首

一簣山平遠雙林逕暗通不愁筋力倦且喜笑言同藉草荒岡上疏泉碎石中新晴尤可戀移席憤王宮

近郭茲山好禪扉鎮日扃江光寒轉白峯色遠逾青亟種千松樹宜添一草亭他時放歸櫂歌鳥試重聽

玉山

三衢山歷盡橋影跨通波十室居城少千家負郭多啓顏津市酒隨意榜人歌且免書驢券郵籤次第過

廣信

信州風物好倦旅亦開顏灘響層層石林疎面面山狎鷗飛不去放犢飲初還夜火浮橋外連船當戶攬

鉛山

不遠江城路舟師指點遲穴山巢鷓鴣編竹坐鷗鷺晚飯惟三板朝

醒藉一瓶鵝湖酬和地百世起人思

弋陽

城小斜依壁門開近面江陂仍仙令跡歌換楚人腔辣闌山無樹崢嶸石滿瀧多情瓢塔影十里逐蓬牕

貴溪

亭榭均干越封圻析上饒連山齊覆釜獨石忽成橋想見黃梅發何曾碧樹彫降丘誰宅此雞犬已寥寥

安仁

畫角衝寒動明星際曉行水迴沙市曲山到郭門平野確啞啞轉漁榔杳杳鳴誰與分百里洵美得嘉名

瑞洪

餘干江路永回首失蘄岳市酒難爲醉罾魚乍解饒

自玉山至安仁捕魚多用烏鬼

魚皆無味至此始用罾

湖寬舟愈小峯遠日初銜漸識宮亭近分風及布帆

自贛州至南安灘行口號二首

鬱孤臺下水嘈嘈南去輕舟未易操灘響逆流三百六篙師那得萬
張篙

且挂風帆溯急流船人勸客莫深愁只應預想歸程樂柔櫓嘔啞下

吉州

昭陽作噩

夜泊珠江

潮湧牛欄

城門名

外舟停蜚戶旁月高人不寐隔浦是歌堂

同屈五

大均

過五羊觀

仙人騎五羊墮地化爲石石今在琳觀仙人去無跡屈生嗜奇古偶
坐蔭松柏摩挲汴京碑不覺日西夕

觀有建中靖國碑

光孝寺觀貫休畫羅漢同陳

恭尹賦

貫休手寫一十六羅漢其二乃在南海訶子林昔游真蹟未得見念

之三十五載縈人心白頭重作嶺南客故人期我虞翻宅僧廊亂後
花木猶瓏璵薤菜春生滿池碧循廊轉入精廬深一幅居然挂東壁
古綃尙白石轉青恰於石罅安疎櫺一僧俛首力寫經自準以下祇
半形芬陀利花貝多葉櫻欄筆管毛猩猩不知金天之西何處得石
硯毋乃昆吾玉切新出础一僧却立待巾鉗靜如沙鷺翹涼汀牕燈
不翦信明滅杪櫺樹底風泠泠牕前千歲老猿拱雙臂平叉兩肩聳
筍鞵桐帽木葉衣想見霜濃寒到踵精誠能令感金石何況羣生知
怖恐禪月師流傳三絕畫書詩詩編巨岳集書有姜體遠本周之史
籀秦相斯未若畫品更崛奇卽如此幅遠出意匠表或疑入定真容
髣髴親見之不然調鉛殺粉能爾爲訶林僧神物藉汝能世守不見
宣和舊譜遺蹟久云亡豫章西山雲堂院中亦何有我欲賺汝去莫
飲我缸面酒我欲奪汝歸玉鴉又不在手世間豈少珊瑚鐵網珍珠
船自今貯之伏梁閣檻庶可全

嶺海將歸梁吉士

佩蘭

載酒邀同屈

大均

陳

恭尹

吳

韋

王

準

陳

元基

梁

無枝

季

煌

燕集五層樓席上分賦得會字

飛樓壓高城人天納萬籟登臨信可娛矧與羣彥會吉士澹蕩人偕
行屏軒蓋論交半簞笠雜坐緩巾帶樽中酒如泉海大魚作鱸款款
話別悰迢迢念歸旆於焉感昔游茲樓在晦靄凝思躡丹梯興發不
可奈惟時建雄藩自比夜郎大邸中鑿園池巧匠恣雕繪水亭擬舟
梁山木徙樅檜長姣羅美人管庫斂文貝因之設厲禁游者必鉗鉉
一閉金獸鑲廿年委榛薈修蛇穴其中妖鳥叫其外雖免劫火焚終
遭颶風害人事戒滿盈天意惡侈汰六師一以移漢將齊下瀨劉王
舊花塢金粉盡淘汰今來縱游觀足以動深嘅觴罷復凭闌遠目豁
矐眇祝融方司南尉陀臺占兌萬井鬱參差百谷互陽昧人影數沙
蟲林梢亞蓬艾我非雲中君何緣出塵壒少陵有遺詩將老斯游最

嶺外歸舟雜詩十六首

黃木灣西廟鼓撾春潮漾漾沒蒲芽翻嫌二月歸程早一路攀枝未
作花

蠻江豆蔻一叢叢牡蠣牆圍半畝宮貪看河頭采珠女輕帆不趁酒
旗風

枕外潮雞報二更朧朧月底暗潮生客心最喜舟師健貪趁朝霞半
日晴
船頭醺酒佛山過七尺烏篷疾似梭行到西南舊時驛驚心榕樹已
無多

三水城樓照落霞漁村處處見撈鰕夜來欸乃聽新曲不是漁家是
笛家

飛來寺脚束江濤徑入雙林磴轉高怪道褰簾蝴蝶至軍持新插紫
山桃

櫂郎鄉里面都黔撐盡筠篙禿指尖水飯乾魚烏橈跂生來不食廣

州鹽

紫楝花香映水牕舟從大廟出奔瀧晚來欲雨猶未雨峽裏鷓鴣啼

一雙

新開花縣壓層巒羣盜停探赤白丸不是邵陽王給事

又且

滇陽行

旅至今難

山場一水忽分流兩岸多停楚客舟夜半東風齊笑語月明打鼓上

連州

彈子磯高高插天篷牕未許客安眠尋常一色四更月獨有此山啼

杜鵑

曲江門外趁新墟采石英州畫不如買得六峯懷袖裏攜歸好伴玉

蟾蜍

修仁渡接始興江半挂魔幢半佛幢記得三楓舊曾泊更無風雨打

船牕

澹公山水入奇懷陸守頻營繡佛齋白社風流今已盡更誰說法上

丹崖

丹崖精舍表兄陸侯世楷守南雄日爲澹歸禪師建師姓金氏諱堡中崇禎庚辰進士牧臨清州亂後隱於浮屠後卒於平湖

青篛竹尾鳳毛纖銀箸灘頭石角尖五里一瀧成十里虛勞估客記

郵籤

雄州郭外萬人家小店臨流大道斜纔是野薔薇落後白花開遍苦

丁茶

梁吉士以羅浮蝴蝶繭二枚贈行曲江道中一蝶先出篷底

聯句成三十韻

故人贈我行方物當所選彝尊筍發詫駢羅中有蝴蝶繭沈名蓀兩
兩折枝挂一一槁葉卷昆田動搖槌懸風妥貼續綴冕彝尊厥包同
米囊其文比竹篆名蓀末如蟬翼輕齊女鬢垂鬢昆田詩朋爭愛惜
寘之黃篋箕彝尊薄寒巾密覆遲日牕始展名蓀隔籠頻摩抄並棹
迭窺覲昆田形隨秋燕蟄候早春蛹蛻彝尊我夢爲莊周栩栩與匪

淺名蓀俄然一繭破有若子初婉昆田停橈疾招呼急走忘足跣彝
尊煇爛五采錯的礫九光熛名蓀層層金泥塗屑屑雲母碾昆田絲
絲春江濯幅幅朝霞翦彝尊孔鸞一毛截瑋瑁片甲輒名蓀眉過粉
蛾長翅類仙鼠扁昆田縑纁變周官繪繡備虞典彝尊曾聞朱明洞
大者如輪轉名蓀悠揚千花叢下上百丈巘昆田或云麻姑裙裂之
在蒼蘚彝尊或云葛翁衣貯之在丹甌名蓀紛綸辭各異無乃傳者
舛昆田夢想四百峯有約末由踐彝尊未逢采雀靈徒說啞虎善名
蓀名山應見笑竦諂豈能免昆田覩茲鳳凰子髣髴列仙遣彝尊入
山夫何難歸與面有覲名蓀明當放汝還華首恣游衍昆田

沈霖據石圖

差山高士隱織簾千金一致醫方兼餐花黑蛺蝶衣潤丸藥碧梧桐
子黏無絃之琴石上臥有冽者水沙中潛張生遠傳寫陸生嘉淑讚
題罷玉蟾蜍淚霑

秦吉了聯句

珍禽產邕管自呼秦吉了武進邵長蘅子湘脩脩羽儀澤炯炯眸子
瞭彝尊丹雘漫多智黃距一何蹻長蘅尾輸山鷗長形陋玄鳳小商
丘宋肇牧仲批肉花冠敲垂耳蠟光皎彝尊好語鎮間關餘音或繚
繞肇雖殊鳩舌蠻偶類雉鳴鸛彝尊宣和譜乃遺爾雅釋未表屢奮
躍不停獨立聲忽悄肇羈栖恣飲啄簾幕信昏曉寄身在籠中結思
仍木杪長蘅稟質洵云微卽物慨詎少所以韓退之作賦感二鳥彝
尊

闕逢閨茂

曉行圖

樹杪星星塔火收月殘衣上冷霜浮卽當風鐸穿林去莫是曉行人

姓劉

宋劉一止賦曉行詞
得名人號爲劉曉行

白陽山人陳

括

折枝花

餅桃花仿吳公器風牡丹摹崔子西雨點露團猶在眼惜無好鳥盡情啼

崑山謁宋劉處士

過墓

荒榛斷碣小山陲詞客當年亦可悲蘆葉汀洲繫船夜堯肩風雨渡江時橐中青兕千金散馬後焦桐一轡隨辛苦東吳顧文學湄邀人歲歲此題詩

積雨八首

自從甲子春來雨四月從無三日晴薄暮東風吹轉急泊舟小水看潮生

水木陰陰夏尚寒桑枝風戾幾曾乾莫愁著屐衝泥遠小舫撐過繡鴨灘

沒盡荷花紫草田菱池新水芋陂連畏寒不獨衰翁甚年少冬衣未拆繇

貓頭筍夾白版扉，鹿眼籬綻黃薔薇。綠陰門巷午風起，吹遍楊花總不飛。

烏篷夜挂釣船坊，曉起水添三尺強。欲覓園花查上舍，

詞璫

但愁橫

漲板橋妨

荷葉新抽一丈莖，柴門趙漲到磯平。黃鸝粉蝶不相見，唯聽鶉鳩逐婦聲。

芍藥酴醾不到鉶，園荒六枳戶常扃。吳蠶已是三眠候，桑葉依然陌上青。

棟花信後猶凝紫，梅子枝頭尚未黃。枉費祈晴丙丁帖，殺風雨至轉顛狂。

池上編籬偶成二首

槐汧菱池水一窪，好編六枳作籬笆。客來與乞平安竹，老去思栽頃刻花。農丈人唯知避俗，村夫子更嬾移家。試添隔岸香茅屋，眼見南